

## DEO OPTIMO MAXIMO

UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono,

## QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die vigesima-sexta  
Novembris anni M. DCC. XXXIII.M. OTTONE - CASIMIRO BARFEKNECHT,  
Doctore Medico, Præside.*An Febri Putride Picardis Suetæ dictæ Sudorifera?*

## I.

OMNES una manet nox; at non omnes Libitinæ eodem cultro cæduntur victimæ. Aliæ feritibus, oculis altæ, maculantur. Interdum, veluti reluctantibus fatiis mori dedicerent, furit atrocius immanis Dea. Nec rarò, quasi mortalibus sua mala non fuissent, aut usu fierent leviora, nova deterioraque ingruunt. Quodcumque vitæ stadium attigeris, ubique naufragium est. Sed nusquam violentiores procellæ sæviunt, quam cum humano generi repenti insultat novum inauditumque morbi genus, incautosque aggreditur. Non sine horrore suum sudorem aliis etiam infensum regionibus recordatur Anglia. Manent altâ Medicorum mente positæ febres Pannoniæ, aliæque complures Epidemicæ lues mille famosæ funeribus. Inter morborum epidemicè hanc vel illam regionem infestantium familiam, alii post primos furoris impetus evanescent; alii verò, quam sibi elegerunt terram, nusquam deserunt, & etiam si inducias facere quadantenus videantur, de novo, quasi ex conducto, repullulant. De genere hoc est Putrida febris, quam anno 1718 immundus Neustriaci litoris halitus in a Vimesium evomuit. Quæque celeri pede evagata<sup>a</sup> Abbatillam irruit, mox totam ferè Picardiam, vicinaque loca, devastatura. Morbus hic, si tempora spectes, acutissimus, si genium, malignissimus, si symptomata, atrocissimus, si deniquè exitum, periculosissimus. Quolibet anni grassatur tempore. Æstate tamen & Autumno frequentius, funestiusque. Urbium, campestriumque locorum incolis aequè familiaris. Senes rarò, infantes puerosque, rarius exercet. Causariis nondum cognitus, sive in illis jam effusa sanguinis principia, sive solidorum hebescentes potentia, ad tot incendia efferosque motus concitari, minimè valeant. Ab illius insultu adultos non vindicat sexuum diversitas, non corporis firmior textura, non vires athleticæ. Immo valentiorum vegetiorumque scias morbi delicias esse. Quos semel torisit, à suis immunes cruciatibus non dimittit, ludum insolentem ludere perennax, lues. Vixi sunt quos dicto mense quotannis infestavit. Vixi etiam ab eâ jugulari, quos antea ter quaterve laceraverat. Modò intra diem occidit, modò diebus

a Le Pays  
de Vimeu.  
b Abbeville.

sequentibus, raro post septimum. Ubi pedem alicubi figit, pauci sanitati restituntur quos primos arripit. Hanc nulla ferè antecedunt aliorum morborum signa prænuncia. Sed subito miserum adoritur stomachi dolor gravans, ingenisque virium lapsus. Aut dolet caput, aut caput obtundit dolor. Angunt pectus suspiria, spiritusque difficillimè trahitur. Summo exorretur corpus incendio, rore acii puridoque diffuens. Infestant nonnunquam nausæ. Scintillant oculi, rubet facies. Humida veluti sanorum linguâ, præmir agrum sitis ardens. Pulsus intercæ frequens, undosus, nec reniens admodum. Horis aliquot elapsis, accedunt iactationes corporis, & pruritus intolerabiles. Efflorescunt supra cures densò agmine pustulæ rotundæ, rubræ, & eâ magnitudine præditæ, cujus esse sinapi semen diceres. Tunc tetto odore qualem præ se ferunt spiritus urinosi volariles, & æger insicirur, & alios insicit. Alvus quandoque soluta, quandoque compressa est. Urgent vigiliæ, vel si quæ spes affligeret somni, hanc horrorem brevi discutit. Quibusdam è naribus stillat sanguis ad lipothymiam usque. Sæpius, nec starâ peritodo, hæminis erumpunt menses. Urina, modò pauca, etiam si eruda, modò copiosa, redditur. Ubi delirium imminet, alba est fusæque profuit. Tunc nictant palpebræ, aures obstreperunt, æger insulsa debilerat, sese quaquaversum jactat. Pulsus durus,ensus & frequentissimus, itemque respiratio crebrior fit. Vultus rubore perfunditur intensiori. Paulò post, veluti flumine adactus ægrotans, venter corripitur, summoque calore æstuans animam exquir, plerumque cum sanguine. En lucis quemadmodum sævit, cum eodem tempore ruit in plurimos. Verum non eadem omnes invadit armaturâ, non eodem impetu. Aliis secundo, aliis tertio tantum morbi die, erumpunt pustulæ. Quæ, ubi salva res est, septimo albescunt, mox, furfuris instar, cutem misturæ. Nec eadem omnes exercet febris, modò sine lege violentissima, modò sine lege remissa. Initio morbi, ne te deludat symptomatum remissio. Quem, sub aurorâ, vix vexabat febris, nulla fatigabat præcordiorum anxietas, nec calor intensus, nec subsultus tendinum, cui nec sudor defuerat, nec pustulæ aruerant; vesperè, phrenitis, eamque pressò pede sequens venter, ex improvviso sustulit. Luem hanc exasperant spontaneæ, quæ in aliis affectibus levamen afferunt, evacuationes. Si cautus fueris, non semper fides signis etiam melioribus. In mediis sudoribus dissatur anima; malo comprimitur, malo fuit alvus omine, quid retrî minatur uberior urina; mentitur delirium tranquillitas, veterum vigiliæ. Nec semper aperto Marte sævit. Habet & cum aliis agitudinibus communes larvas, insidiæque. Ubi semel grassata est, ab illius impetu sibi caveant, quos vel cruciat Pleuritis, vel Febris ardens, vel alia quælibet affectio, quam fecit, aut humorum evolutio nimia, aut sanguinis phlogosis. Plurimos in tuto credidisses Pleuriticos, quos in ipso salutis limine strangulavit. Illam tunc prædicere, quam arcerè, facilius. Sratim atque enim, vel inasacti sudores, vel sanguinis justò fluidior crasis, colliquationem monstrant imminere, scire licet in propinquo luem esse. Sic qui ab uno sibi timebat affectu, ab alio, inexpectatoque, perit. Discrimen tamen inest pustulas inter, quas secum importat, dum sanos iniecit, & eas, quas prodir, cum aliis morbis supervenit. Hæ pallidiores sunt ut plurimum, & minùs intense rubedinis, albescuntque citiùs; illæ rubent magis, diutiusque. Ex eorum numero, qui, sospite vitâ, iratum hoc mare peragrârunt, nonnulli per menses, alii solido anno citrà febrem, somnique jacturam, sudoribus nocturnis maduerunt; micantibus utcumque pustulis à levissimo frigore evanescentibus. Adeo visceribus infixæ medullisque stabat labe! Jam, qui morbi genium nocis & mores, illius tenes causam, si, tot malorum fontem, Putredinem dixeris.

## I I.

**P** R I M A R I A M omnium fere Endemiorum Epidemiorumque morborum originem, in aërem refundere, ne dubites, Scilicet, in illo corporum omnium subtiliores partes eveni, misceri & immutari, nemo non faterur. Quæ quidem pro variâ indole, pro vario sole varioque concursu, diversas formas induere, diversæque

3

morborum, si corporis cavitates attigerint, procreare possunt seminia. Quot epidemiorum affectuum discrimina, tot vides miasmatum discrepantias. Quarum naturam & vires, qui à priori vellet explicare, Philosophi partes ageret, non Medici. Si tamen adhibenda fides effectibus, putredinem, à quâ febris nostræ symptomata fluunt, ab aurâ salino sulphureâ perniciosissimâ mobilitatis proficisci, non temerè dixeris. Ab eâ totum aëtem inquinari, ideò non asseras. Sed certis de causis explodi, & turbinis instar volvi, donec in hunc, illumve procumbat locum. Sic, intactis sæpe vicinis locis, in uno commoratur. Sic etiam, relictis intervallis, longè latèque se diffundit. Nec illam omnibus æquè perniciosam credideris. Ut vires suas exerat, adsit in humoribus ad æstum propensio, pronitas ad crethismum adsit in fibris, necessum est. Haud aliâ ratione, quæ senibus puerisque parit, tetra lues, adultos sanguine plethorico fervidos, aut morbi debacchantis pavore confectos, aggreditur. Subita virium prostratio, respiratio difficilis, caput stomachumque dolor gravans, aliaque invadentis morbi symptomata, satis superque declarant solidis partibus primò venenosum hunc halitum insultare. Irritatis enim crispatisque ab insolenti venenatâque aurâ nervis, succorum impeditur circuitus. Unde in minimis præsertim tubulis neunt moram. Delato subinde ad sanguinem veneno, illius tota rarefcit, quæ brevi putrescet, moles. Accipe nunc labentis humane machinæ ruinam. Qui sese cruori miscuit ignium subtilium ferax halitus, illius ita disjungit exagitatque partes, ut minor sit globulorum inter se contactus, ac proinde compages rarior. Majus itaque spatium occupare conabitur tumens sanguis, major ejusdem crit, in vasorum parietes, nixus. Fortiùs ideo crebriùsque contrahentur illorum tunice. Unde cruoris momentum crescet, pulsûsque velocitas. Perspectam nunc febris calorisque tenes originem. Aucto versùs vasorum fines sanguinis impetu, lubrico lapsu sese expedire cogitur, quiddid humorum massâ ubique compressa serosi continet. Hinc sudor oborietur non admodum foetidus. Expressis ac pene exhaustis à continuo sudore aquosis particulis, evolventur dissociabunturque aliæ, quæ sibi debent adherere, partes sanguinis. Utpote quod ab igneâ materiâ intus divulsæ, & à ferocicentibus fibris susleque quassatæ, è vinculo dissilient suo, mox patrias relicturæ sedes, perque invia loca divagaturæ. Quid mirum igitur, si sales jam sui juris facti, nerveas sollicitando fibras, pruritus concitent, rubræque sanguinis partes per sudoris calles angustos secum abripiant? Quæ ubi cutis perfrægerunt ostia, dum tenuior earum dilutiorque portio vaneſcit in auras, sub epidermidis colliguntur squammulis, novarumque appulsu pustulas efformant. Jam, qui ubertim antea dimanabat sudor, sub vaporis acris putidique formâ diffluit. Cujus discriminis causam attingere, vel in Chymicis leviter versatus facili negotio poterit. Noscet ille sales in animalium liquoribus contentos, acrem, alkalinam volatilemque nancisci indolem, quotiescumque aqueos humores, à quibus diluebantur, discussit calor. Idem, oleosas eorum partes salibus illis acribus permixtas, volatiles foetidasque fieri, intelligit. Eapropter, tenuissima tetricque odoris effluvia, ubi eò devenit incendium, è corpore diffilari, ne mireris. Nec stupeas, humorum aut nullis, aut pravis legibus obsequentium, deliria. Siquidem, ab importunis evolutorum salium spiculis lacinatæ nervorum fibrillæ, modò hic, modò illic, spasmos incunt. Interclusis hæc de causâ, æstuantibus summèque mobilibus liquoribus, in unâ parte viis, aut à calore impetum nacti repagula disrumpunt, aut, quâ aliàs datur porta, facto agmine transvolant. Ex inordinatis istis tumultuariisque motibus, sibi ubique dissimilem naturam reperies. Nunc ruptis vasis hæmorrhagias, vel ad viscera vi sibi viam facientibus protervioribus succis colliquationes fieri; nunc penitus sisti, nunc etiam enormes urinarum & alvi evacuationes esse videbis. Neque hæc omnia putes contingere posse, quin crescat febris, crescant & corporis angor calorque. Certo sanè indicio ab istis evacuationibus morbum exacerbari, non leviori. Quantacumque sint enim quæ de putredine, adeoque de sanguinis partium dissociatione nacti mala novisti, imminet adhuc graviora. Increbescente, ut jam diximus, cordis artetiarumque *systole*, quid superest, nisi ut residuæ sanguinis partes, quarum recessus intimos evoluit denuò putredinis ardor parens, sibi, per minimos seri

lymphæque tubulos, viam faciant. Sanguini sic è solitis vasis errare gestienti favent & ipsius liquata compages, & patientiores, ab acribus summoque impetu arietantibus, facti, lymphaticorum seroforumque ductuum, aditus. Invis itaque sese insinuat, unde referre pedem non poterit, sedibus. Tunc de agro brevi conclamatum iri rectè pronuncies. Ad cerebrum aquo passu fertur, illiusque totam penetrat substantiam, qui in cunctis corporis partes abnormis currit, prout extus intusque cogitur, cruor. Hinc, validè succussis cerebri fibrillis, turbantur ea loca quæ frequentat animus. Fractis demùm à jugiter appellente sanguine vasorum tunicis, nervorum comprimuntur origines, unde sequitur veternus, noxque æterna dormienda est. Quod si hæc omnia à putredine oriri insicias iveris, eorum, quos jugulavit morbus, inspicere cadavera. Tunc sententiæ nostræ non invidetis suffragium. I nunc & sudoriferis novas, dum corpus flamma depascitur, accende faces in præcordiis.

## I I I.

**Q**UID præstat morborum causam attingisse, si, non intellectis medicamentorum virtutibus, illam aut foves, dum debellare satagis, aut auges, dum minuire est animus? Hunc ægrotantibus adeo perniciosum errorem ut vires, totis incumbere viribus. Quid agant in partes corporis solidas fluidasque, quibus uti mens est, remedia, cautus respice. Sic opio, vasis sanguinis mole redundantibus, aut penuriâ discrasie languentibus, manum abstinebis. Sic Kinam Kinam nec ad omnes, nec ad solas relegabis febres. Sic etiam sudorifera, præsentem humorum colliquativa putredine, cane pejus fugies & angue. Ad sudorem eliciendum requiruntur multa. Accelerari postular sanguinis motus, ut ille frequentius ad extremas corporis oras appellat, glandularumque cutis ostia pulser validius. Quæcumque cor ad celeriores vibrationes stimulant, illa sudationem inferre constat. Inde sudoriferorum pleraque pro cardiacis etiam usurpantur, cum eadem ferè sit utrorumque medicamentorum indoles. Præterea tenaciori vinculo minimè coherere debent sanguinis partes, ut leviori negotio possit à reliquis molis impedibus expediri latex serosus. Hinc, laxiorem sanguinis texturam nacti, levissimâ occasione in sudores exsolvuntur, ut in Phrysiis palam est & convalescentibus. Patcant denique cutis spiracula, ut possit admitti serum & eliminari facilius. Ex his intelliges, quibus, gaudere debeant Hydrotica, principiis. Quapropter, si eorum agendas familiam, illa particulis summè mobilibus constare fateberis, quæ sanguinem exagitare valent & dissolvere, vasorumque *systolen* adaugere. Ex omnibus quæ sudoriferorum internorum nomine veniunt, nullum, nisi à sulphure, aut sale volatili, quo turget, suas vires exerit. Quæ quidem principia vividiores aut segniore operationes exercent, prout in medicamentis plus aut minus reperiuntur. Quædam ita celeriter dissolantur, ut acidis ligari indigeant, qualia sunt Opiata. Quædam altius ita reconduntur, ut ignis ope extrahi postulent, qualia sunt spiritus & sales volatiles Chymicorum. Sed quemcumque lapidem moveas, illa tantoperè decantata sudoriferorum virtus, nil ferè præter incendium suscitât, nisi aquâ calenti immergatur. Adeo ut peritissimos meliorisque notæ Medicos dubitasse mirum non sit, num ab aquâ potius, quàm ab istis remediis sudor promoveretur. Licet enim sanguinis molem agant & dividant sudorifera, si salium sulphurumque quibus pollent scrutatus fueris vires, stimulantia deprehendes, quæ solidas omnes quas præterlabuntur partes, ad irritationem concitant. Undè viæ sudoti minimè parent, nisi ferventis aquæ largo potu id præcaveretur incommodi. Quamobrem, si indoctâ porrigantur manu, infelices tam sæpè fortuitur effectus. Et etiam si, condensatis humoribus, obrutisque fibris, quamdam salutem spondeant, non remerè, nec nisi evanescente vel levissimâ erethismi suspitione, usurpanda sunt. Quanta verò secum importent mala in febribus ardentibus, & in iis præcipue, quibus ~~asam~~ præbuit humorum putredo, quis sanæ mentis non sentit? Quis adeo medicis in rebus inexercitatus, ut non inrelligar, ab Hydroticis febrisque nostræ causâ, similes effectus produci, nempe dissolutionem sanguinis & solidarum partium



5

erispaturam ? Et sanè, dum flammis astat succorum moles, dum illorum solvuntur vincula, dum spalinis hinc & inde corripiuntur fibræ, quid ab iis non metuentum ? In ventriculum & intestina delapsa, quos inibi offendunt, calcar addunt humoribus, nec non obvias, spirituosas salinisque suis principiis, fibras tendunt ulterius. Indè crescit anxietas, sitis, abdominis tensio & alia symptomata, quæ viscerum phlogosim arguunt. Quòd si communem sanguinis oceanum sudoriferorum virtus penetraverit, quantas in eo turbas excitabit ! Finge tibi liquores intestino motu ebullientes, & infanà vasorum *syssole* propulsos, quibus ardoris colliquationisque novam supeditas materiem. Turgidior idè factus mobiliorque sanguis, ubique vasorum virat, illius ferocæ partes dissipantur celerius, propriiorique fugâ cæteræ dissiliunt. Adde quòd, solidorum jam sinè lege colluctantium, multiplicantur impetus. Reverà statim atque hydroticorum activa principia in purpureum deveniunt laticem, veluti totidem igniculi, subvertunt illius compagem, undè vires adipiscitur putredinis fomes. Ista sudoriferorum damna satis declarant hæmorrhagiæ, deliria, internorum & externorum æstus intrensior, corporis irrequestra jactatio, durior crebriorque pulsus. Quæ quidem ingravescentis organismi, partium sanguinis evolutionis auctæ, illiusque crescentis incendii, certissima signa sunt. Et certè si hæc exemplis firmare foret animus, fidem facerent tot ægotantium funera, quos à calidis istis spirituosisque remediis potius, quam à morbo periissè constar. Nec temerè dictum pures, quod rationi simul & observationi consentaneum est. Etenim, eò citatori motu sanguinem volvi, quò frequentius cor & arteriæ contrahuntur, eò validius etiam distendi vasa, quò magis ille rarefci, apud omnes in confesso est. Vasa autem quæ majori dilatationi parent illa esse, quæ tenuioribus constantur tunicis, nullaque firmâ circumjacente substantiâ fulciuntur. Eaproptèr, exilissimos tenuesque cerebri tubulos, dum cruoris augentur velocitas & superficies, omnium quæ dantur in corpore, distensionis ruptionique proximos. Jam verò febrem nostram à rarefcentiâ exordium sumere, funestamque fieri, demonstravimus. Quæ cum ita sint, tumens & limitibus contineri impatiens sanguis, accedente sudoriferorum actione, in vasorum fines sic impinget, ut præ nimia distensione rumpi cogantur. At quoniam exiles cerebri ductus tanto cruoris imperu sustinendo sunt impares, eorum tenues admodum tunicas primò distendi, rimisque tandem fatiscere, extrà omne dubium est. Aude extinctorum cadavera rimari scrupulosius : totam cerebri substantiam rubore perfusam reperiēs. Ex hydroticorum usu, sua etiam aliis damna visceribus imminet, cum ubique phlogosim, irritationem ubique suscitant. Nec minùs periculi secum invehit, quæ ad sudorem elicendum tandiù viguit, illa stragulis ægros & operimentis exonerandi methodus. Quippe quæ respirationis instrumenta gravando, & corporis ardorem augendo, colliquationis opus, sudorificæ noxas accelerat. Hallucinantur enim, qui à sudatione hujus morbi curationem repossunt. Quasi rivis uberioribus profluens sudor, crescentis itidem illius, & invalescentis causæ, non foret indicium.

#### I V.

**I**N eo præcipua versatur Medici sagacitas, ut acutè de morbi judicet ingenio; nec non augeretur ex evacuationum quæ ad illum pertinent tempore, materiâ, quantitate, num illæ sint triumphum naturæ molientis-beneficia, num ejusdem errantis indicia. Quem igitur morborum non fugerit indoles, non luserit evacuationum dolus; illum, ad eorum curationem suscipiendam, aprissimum esse, rectè pronunçaveris. Ut potè qui, naturæ motuum utilitates & noxas effectibus metiendo, quæ sistenda sunt, compescere, quæ vero permittenda, promovere, prudens conabitur. Utinam hanc calassent viam, qui putridâ febre de quâ nunc agitur laborantibus, primi manus auxiliatrices admoveere tentarunt. Excussio de sudorum & pustularum emolumentis errore, temperandis iis potius, quam provocandis, dedissent operam. Nec pro salutaribus proficiusque crisis habuissent, quæ, velut symptomata, debebant impugnare. Rati videlicet, à liquato sanguine fluere sudores & nasci pustulas, illius impetum & divisio-

nem sudoriferis & cardiacis adaugere credidissent piaculum. At iniques, non satis est hydroticorum damna referasse, cedo alia, quæ tutius hunc debellent morbum, remedia. Imò etiam præstò sunt, quæ à sudoriferis toto cælo discrepant, nempe missio sanguinis, acidorum pleraque, absorbentia, & cum laxantibus, emetica. Quorum si perpendas facultates, eas, non ut hydrotica, motui sanguinis accepatando, sed cohibendo, reſtituendo fervori, præcludendiſque in interiora corporis aurtæ venenatæ viis, habiles & aptas eſſe, comperies. His inſtuctum telis raro deſciet victoria, ſi dirigit ictus prudentia. Exploranda imprimis, ut illa votis respondeant, occaſo, celeriterque, dum ſe præbet, arripienda. Cum à ſolis remediis curationis ſpes fulgeat, cunctari nefas eſſe memineris. Incipiente igitur morbo, latgâ manu funde ſanguinem, iterumque funde. Depletis vâſis majoribus, interpoſitâ minùs horâ, ſtibiato tartaro ſubmove ventriculû. Hac arte, citiùſ ſolvuntur obices, humotumque primis in regionibus ſtâbulantium egeſtione, noxia, quæ totam æconomiam ſubverterent, arcentur à ſanguine, miasmata. Nam, in omnibus quî ab inquinato aëre ducunt originem morbis, pro certo reneas, ventriculû & inteſtina plerumquè primûm affici. Quid enim aliud reſtantur Pictonum colicæ ſymptomata, & quæ variolarum, aliorumque morborum Epidemicorum inſultus ſerè ſemper nunciant, faucium inflammatio, vomitus enormes, aut alvi prodigioſa deſectio. Nec aliâ de cauſâ, vomitorio propinato, quæ fecus tragædias exerceret, ceſſat ſuffocaturque febris noſtra. Quòd ſi ſanguinis rivulos eſſluvia jam ſubierint, in auxilium advocanda ſunt, quæ illum intra ſua vâſa poſſunt continere. Poſthabitâ igitur de puſtulis & ſudoribus omni ſollicitudine, rareſcentiam imminentemque putredinem acidis coercere, ſit tibi propoſitum. Laxantibus etiam, quælia dixeris tamarindos, caſſiam, ſerum lactis, nimii ſudores moderandi ſunt, ubi, celeriori quam volueris paſſu, ſeruntur humores ad pomæria corporis. Quid enim ſpontaneis alvi deſectionibus hæc exacerbetur febris, ratum habcas ſemper proſututa laxantia, cum liquores verſus peripheriam divagantes, lenitet ad centrum reducendi ſunt, & contemperandus ardor viſcerum. Ab erethiſmo diſce quæ mala portendat, dum ſponte fluit, alvus; ab erethiſmi ceſſatione, diſce quæ bona promittat, dum ducitur laxantibus. Hinc, ejuſdem evacuationis à cauſâ diſſimili pendentis diſpare exitus, non miraberis ampliùs. Quotieſcumque etiam colliquationis proximæ putridi vapores argumenta ſuppoſitant, absorbentibus acidis maritatis humorum compages denſanda tibi eſt, ne à ſe invicem diſſocientur eorum partes, & ſolitâ exterminentur ſedibus. Neque te terreat agrotantis anxietas, ſi quandoque poſt hæc remedia contigerit, ut ſupprimantur ſudores & puſtulæ collabantur. Habes enim in miſſione ſanguinis undè citò tumultum hunc ſedare valeas. Tantò magis expedit ſuccorum redundantiû imminutionem Phlebotomiæ, quam ſudoribus, committere ! In hoc te exerceto, ut quæ uſurpaveris remedia ſymptomatum ſævitix reſpondeant. Quòd ſanguinis aſtus intenſior, eò potentioris energia ſeliges acida, quò ſudores uberius erumpent, eò ſæpiùs ſubduces alvum laxantibus, quò durior pulſus & elatior, eò generoſiùs mittes ſanguinem. Interea, cave ne te decipiat doſola tranquillitas. Relictos iterare curſus, ſucata quietis imagine non rare mediatur hæc febris. Quæ foris extincta videtur vires intus clanculû cauſa recolligit, mox datuta ſymptomatum progeniem deteriorem. Ne igitur à remediis abſtineas, niſi, cum ſudoribus evanuerit ardoris interni teſtis odor, & jam ſuo defraudatæ pabulo albicantes aruerint puſtulæ. Tunc, ſi febris una deceſſerit, & ſexta ſeptimave morbi dies exorta fuerit, ſide ſignis non mendacibus. At, ſi primis diebus, poſt illam, quæ tibi credulo nimium impoſuit, tranquillitatem, ſupervenerint aurium tinnitus, niſtus palpebrarum & leve delirium; te tuæ pœnitebit fiducia, niſi Emetico-cathartico, præſentem mortem fugare properaveris. His in anguſtiis, ad iſtud remedium, tanquam ad ſacram ſalutis anchoram, conſugiendum. Etenim, ne verſus ſuperiora factâ exploſione turgidus appellens ſanguis cerebri vâſa citò diſumpat, & inibi ſineſtos ſibi pandat exitus, Artis eſt, abdominis clauſtra moelico referare, petulantibusque liquoribus negatum iter ad caput meditantibus, vias minùs periculôſas per emunctoria ventris aperire. Hoc præſidio, plurimos ab orci faucibus ereptos, vidimus. Vix enim ad ex-

7  
pulsionem ventriculum & intestina sollicitavit remedium, jam recedunt, quæ metum instantis lethi incuriebant, symptomata, sibi que restitutus æger morbum fugisse cum egestis testatur humoribus. Saphenæ sectione, sanguinem, cum illius ad cerebrum edecletitatis devenit impetus, ad inferiora revocare, frustra tentares. Siquidem, immunità, ob vacuati cruoris copiam, vasorum compressione, qui superest in arteriis venisque majoribus, dato liberiore spatio, rarefcit evolviturque magis, unde vividiori motu minimorum canalium pulsat frangiturque parietes. Nec alià de causâ, peractâ phlebotomiâ, veterino corripitur æger immedicabili. Veluti cum, urgente febre ubertimque manantibus sudoribus, pulsus durities mittendi sanguinis necessitatem arguerit, is è parvo vulnere repetitisque vicibus educendus est, ne majori rarefcientiæ detur locus, & totus in vapores quasi faceffat & resolvatur. Verùm, si remittente febre, idem suadeant indicationes, sine largo flumine cruotem fundi. Indè scias qualem te deceat cædè, vel in permittendis, vel in sistendis hæmorrhagiis. Parcius tamen acidis indulgebis & phlebotomiæ, cum aliis jam decrefcenctibus morbis lues supervenerit; præsertim si pluries antea jam missus fuerit sanguis, aut exhaustæ vires, aut non molesta febris. Tunc satis est absorbentibus, & decoctis incrassantibus ut orisæ hordei & id genus aliis, moras protervis humoribus injicere. Ut autem illa prosperè succedant, eo ipso momento propinanda sunt, quo sudores insoliti luem instare declaraverint. Ab istis remediis, quorum felices successus experti tam sæpe sunt ægrotantes, quisque sentiat, quæ sit adhibenda sudoriferis fides.

V.

**P**ESSIME de febris nostræ causâ differunt, qui illius originem à lento repetunt sanguine. Nequè enim, velur in petechialibus quibusdam affectibus, maculatum pustularumve fontem, à cruoris in sinibus arteriarum vel præ mole cespitantis, vel præ crassitie morantis, deducant. Nec, quemadmodum in febre miliari, lymphæ acescens, deviantisque seti errores, incusent. Aliam habent originem. Idèò in hac febre erumpunt pustulæ, quod à putredine solvitur & ita tenuatur sanguis, ut per exilissimos cutis meatus sibi viam faciat. Putrescere posse sanguinem nullus inficias iverit, nisi quem latuerint illius principia. Idque citius fieri, quod fluidior ille est floridiorque, si sese putredinis offerat causâ. Indè, sanguineos phlethoricosque contagiosis morbis obnoxios magis, quam melancholicos eosque quibus inest succorum textura densior, animadvertimus. Hinc, illâ grassante, vegetiores inquinari, senibus intactis & causariis, observatum est. Sed quid verbis opus est, dum sese sensibus putredo præbet aspectabilem? Dum putredinem ipsam exhalat corpus ægrotantium. Dum adeo liquatur dissolviturque sanguis, ut eductus in vasculis, & aëri frigidiori expositus vix ac ne vix quidem concreseat. Dicent fortasse non nisi à præviâ stagnatione putredinem induci sanguini. Hæc quæ de benè multis affectibus vera dixeris, falsâ sunt de febris putridæ de quâ loquimur origine. Nec diffitemur omnium ferè morborum causam ab humorum remora minimis in vasis pendere, & in plurimis cutaneis eruptionibus insignitis agitudinibus, dari corruptionis quamdam speciem, quæ succorum debetur lentori. At secus se res habet in febre nostrâ, quæ à rarefcientiâ ducit originem, ita ut prope tent ad secessum, quæ communi vinculo sociabantur, liquidorum partes, statim atque nociva, ad communem humorum alveum pervenerunt, effluvia. Num aliud, quam jam liquatum sanguinem, indicant hæmorrhagiæ vel in ipsis morbi primordiis adeo enormes, ut ad tres quatuorve libras è naribus, citra pulsus debilitatem, stillaverit. Ægrotantes è quibus intra duos dies ad 36 vascula fluxit, constantius interea viribus, ipsi vidimus. Nec si animo defecerit æger, dum ita sanguinis laxantur rivuli, credideris spirituosius calidissime medicamentis refocillandum esse. Solis acidis fugientem animam suffisti tunc opus est. Etenim, etiamsi totum pænè sanguinem exiisse, silens pulsus colapsæque membra fidem faciant, vix, cessante hæmorrhagiâ, superstiti minimis in vasis cruori ad majora via facta est, jam æstus, sudor, pustulæ micantesque arretitæ arctare sanguinem, & de novo rarefcere demonstrent. Tanta est humoribus ac

divisionem proclivitas ! Undè inferre licet, quid ab istis remediis expectandum sit, quæ liquoribus negatâ tentantibus iter viâ stimulos addunt, eorumque dissolutionem promovent ulterius. At inquant, si quid venenati corpus subierit, nonne sudoriferis & cardiacis expellendum. Evolas, tum Veterum, tum Recentiorum, libros, omnes uno ore, in febribus vel purpurâ vel pustulis conspicuis, ad hydrotica confugere pronunciant. Absit ut hæc in re quidpiam mali suadeat auctoritas. Nec rationalem decet Medicum curate ex commentario aut libello, sed ut in quâvis re exercitata ratio dicat, neque ullis legibus debet obligari. Quòd si acidis aliisque jam à nobis enumeratis remediis, præcaveantur effluviis effectus & putredinis fomes extinguatur, à sudoriferis vero sanguis accendatur & illius acceleretur colliquatio, in promptu est consequentia. Siquidem acidorum ea virtus est ut humorum quos densant firmen compagem. Sanguinis igitur particulis condensatis, & arctius inter se coherentibus, jam nec à se invicem separari, nec evolvi poterunt, unde sua servabitur humoribus crasis. Insuper, dum cruoris globuli compactiores ab acidis fiunt, imminuat illius velocitas necessum est. 1°. Quòd, decrescente sanguinis superficie, minus dilatantur arteriæ, proindeque resiliunt minus. 2°. Tenaciori vinculo nexis sanguinis partibus, augetur illius resistentia, unde difficilius à corde protruditur. Ex his probè colliges, quanti momenti sint acida, ad rarefactionem eamque celeri passu subsequenter arcendam putredinem. E contra mero meridie clarius elucescet, ex sudoriferorum, cardiacorumque usu, humorum jam ad putredinem vergentium motus intestinos augeri, unde eorum mixtio, forma & textura, citius destruitur. Erant igitur qui non aliis hanc putridam febrem oppugnare nòrunt armis. Nec minus culpandi sunt, qui retrocedentes pustulas interruptosque sudores revocare tentant vesicantibus, ignari videlicet quid acris & caustici ferant in sanguinem cantharides. Quid plurâ, febrem hanc à liquato nimis sanguine nasci probant, illius symptomata, & quæ præcipuum curationis opus absolunt, acidis de sudoriferorum in rarefaciendo & attenuando potentia, non ambigitur apud Medicos, eorum funestis exitus asserit experientia. Quapropter, si tibi cordi salus ægrotantium, ne dubites concludere.

*Non ergo Febri Putrida Picardis Suetæ dictæ Sudorifera.*

## DOMINI DOCTORES DISPUTATURI.

*M. David Vasse,*

*M. Philippus Davier de Breville, Dotaria Hispaniarum Regine Medicus perpetuò ordinarius.*

*M. Petrus Azevedo.*

*M. Andreas-Josephus Seron.*

*M. Jacobus Trant, è Regia Scientiarum Academia.*

*M. Joannes Herment, Medicus Regis ordinarius.*

*M. Thomas - Renatus Gafnier.*

*M. Petrus Maloet, Consiliarius & Medicus Regis ordinarius, nec non Domus Regie Invalidorum Ducum & Militum, Academia Scientiarum Regia Socius.*

*M. Jacobus Fourneau.*

*Proponerat Parisiis LUDOVICUS-FLORENTIUS BELLOT, Rojanus Ambianensis, Baccalaureus Medicus, A. R. S. H. 1733, à sextâ ad meridiem.*